



**Sendbrieff des Prinzen
von Parma an Bürgermeister/ Scheffen/
vnd Obrigkeit/ auch den Hohen Racht/ welcher der
Breite Racht genennet wird/ vnd Zünfften
der Statt Antorff.**

Auch

**Antwort der Herren Bürgermeister/
Scheffen/ Rentmeister vnd Racht der Statt
Antorff auff voriges schreiben des Prinzen/
von Parma.**



**Gedruckt in Straßburg / durch
Antonium Vertram/ 1585.**



Univ. Bibl.
München

Alrechten Herren/ ihr habet auß diesem langwris-
gen inheimischen Krieg vnnnd verwüstung/
welche das Land von wegen des Kriegs ge-
litten/ gleich als mit ein Finger angewiesen/
genugsam verstanden/ wie wenig ihr an die
jenige/ die dessen ein vrsach gewesen/ vnd auß iren annus-
tungen/ auch suchen eigenes nutz das arme Volck haben
verderben helfen/ verbunden seyer. Vnd ist nicht sonder-
lich nötig/ alles was von anfang dieses Kriegs für gelauff-
fen/ Euch vorzuhalten/ dieweil auch die geringst ver-
stendige genug erfahren/ das der anfenger dieses Kriegs
fürnemen nicht ist gewesen gemeine wolffahrt vnd rüwe/
sonder allein ihre eigene vnd ihnen selbst schädliche begir-
den zu erfüllen. Denn wenn man ihre thaten vberschlegt/
befindt man erstlich/ das weylandt der Prinz von Bras-
nien nichts anders gesucht/ denn allein wie er alle ding
möchte verwirren/ vnd nicht einmal gesorget habe/ wie er
ein einige Statt/ die meines Herren des Königs Feldle-
ger belegt oder eingenommen/ entsetzen möchte. Eben dis-
ses kan man auch von den Franzosen sagen/ von welchen
ihr selbst wol zeugen könnet/ auff welche weis sie mit ewe-
ren Weib vnd Kindern umgehen/ vnd die größte jenen von
euch erzeigte Ehr vergelten haben wollen. Nach dem
es dan Gott gefallen/ disen vnnnd jenen auß dieser Welt
zu beruffen/ darauff ihr eins theils das abnemen Ewe-
rer macht/ ander theils aber Ewres Königs grossen ge-
walt vnd glückliches zunemen/ welches ihm Gott der Herr
von tag zu tag verleyet/ genugsam abnemet/ So solte es
nunmehr einmal zeit sein/ das Ihr Ewrer eigenen selige-
keit/ vnd Ewres mit so vielerley vnglück bedrengten
Volcks/ welches endlich darunter würde zu grundt gehn
müssen/ wolffahrt wahrnemet. Daher wir auß sonder-
licher neigung/ die wir zu diesen Landen tragen/ zum
theil/ dieweil wir inn denselben bürtig/ zum theil auch
weil vns in vnserer Jugend viel erew vnnnd gunst darinn
A 2 bewisen

bewiesen/ hievoran vns nicht haben verdriffen lassen/
Euch insonderheit vnd andern Stätten vnd Landschaften
in gemein schriftlich solche mittelen fürzutragen/
welche wir mit Gott vnd in vnserem gewissen für rathsam
ansahen/ diß Landt widerumb in fried vnd ruhe zu setzen.
Dieweil aber der Prinz von Dranien vnd andere/ die
nichts anders begerten/ dan daß sie durch verwüstung des
Landes vnd armer vnschuldiger Menschen blut vergies-
sung dieser Landen herlichkeiten vnd herrschafft an sich
ziehen möchten/ vnserer zuvor gegebene schreiben arglistig
glick auffgehalten vnd versinsetzt/ haben wir endlich
noch ein mahl gegenwertiges Schreiben an Euch stellen/
vnd Euch mit aller möglicher erew/ lieb vnd ernst bitten
wollen/ daß jr mit eweren Weib/ Kindern/ vnd verlasset
nem Vaterlandt ein mitleiden traget/ die Augen einmahl
auff die ruhe vnd das glick/ dessen bey Ewrem gedenden
zuvores ein jeglicher vnter dem gehorsam Königlicher
Majest. genossen/ vnd dann auff das eusserliche verder-
ben/ darinn nu mehr diß Landt gesetzt/ wendet/ welches
zwar/ wo dieser Krieg also fortfehrt/ von tag zu tag je
lenger je mehr zunemen wird/ vñ deswegen Augen vnd
Ohren hinfuro stopffer für derjenigen lügenhaftigen
anschlegen vñ fürgeben/ welche Euch in diesem jrthumb
vnd mißtrawen an Ewers natürlichen Fürsten des Kö-
nigs gürtigen vñ aufrichtigem gemir auffhalten/ welche
güte/ wiewol die wider ihn geschene vnbilligkeiten sehr
groß vnd schwer/ er gleichwol nicht auffhöret Euch einen
genzlichen geschener mirren vergess anzubieten. Wo-
derwegen Ihr in ein handel Ewre einlassen/ wie solches
mehr denn des halben theils der Bürgerschaft zu Antorff
begeren anzeigen/ vnd dem nachkommen wöller/ welches
vns durch Kundtschaft alle tag vnd stunde von allen or-
ten fürkompt/ Verheissen wir Euch/ daß wir auff vnserer
seiten in alle demjenigen wol vber ein kommen werden/ was
vns

vns Ihr ehrlich vnd redlich vortragen werdet/ daß Ihr
mit der that erfahret/ das vns hierzu mehr ein ware Väter-
terliche neigung vnd begeren Ewers eigenen wolstands
vnd ruhe/ denn einiger nutz/ eigene affectation/ oder miß-
trawen/ daß etwa vnserer anschlege nicht zum glücklichen
end gerathen werden/ bewege/ welche Ihr vns fortzusetzen
verursachen werdet/ wo Ihr auch noch hinfuro Euch halb
starrig halten/ vnd die conditionen ewrer versönung desto
schwerer machen werdet. Protestirn darneben/ daß auff
vns keinerley weiß die vrsach des grossen vnschuldigen
Blutvergießens/ vnd anders nachfolgenden jammers
vnd ellends nicht zu ziehen sey. Endlich damit niemant
den vnser guter will vñ anbieteten vñ bewußt sey/ schreiben
wir auch dieses inhalts an den grossen Rath/ welcher der
Breyte Rath genant wird/ vnd andere Junfften/ vnd
bitten Gott/ das er derjenigen/ so bey Euch das grösste an-
sehen haben/ hergen bewege/ damit wolstandt vnd ruhe/
die Ihr hierauf zu erwarten/ Eurtz hernach/ wie wir selbst
verhoffen/ erfolgen möge. Hiemit sollen wir Gott bitten/
liebet Eren/ das er Euch in seinen heiligen schutz vnd
Schirm nemme. Auß dem Leger zu Stadroock diesen 13.
Nouemb. 1584.

Vnterscrieben
Alexandre.
Vnd darunter
Garnier.

Die Oberschrifft war
An vnserer sehr liebe Burgermeister/ Scheffen
vnd Rath der Statt Antorff.

A 3. Antwort

Antwort der Herren Bürgermeister/
Scheffen/Kentmeister vnd Rath der Statt
Antorff auff voriges schreiben des Prinszen/
von Parma.

Lieber HERR / Ewiger Hochheit schreiben den 13.
dieses lauffenden Monats respectiue an die Obrigkeit
ten/ Dechanten der Zünfften / vnnnd Breiten Rath
dieser Statt/ ist vns vberantwortet/ vnd in vnser versam-
lung/ auch vor allen Gliedern der Statt in dero Breitem
Rath hierzu außtrücklich bernuffen/ verlesen/ vnd haben ein-
mütiglich für rathsam angesehen E. H. in aller ehverbies-
tung zur antwort zuuernmelden / Ewer H. erinnerung/
das wir auff der jenigen/ so vns diesen inländischen Krieg
erregt/ fürnehmen sehen solten sey vns sehr lieb vnd angeneh-
m gewesen/ vnd von vns also angenommen/ das die auß E. H.
guter neigung vnd begird dieser Landen besseren zustand/
welch en gleichfalls auch wir von ganzem hertzen wünschen
vnnnd begereu zusehen hergeslossen/ Deswegen gegen E. H.
wir vns demütiglich bedancken. Gleichwol vermeinen wir/
E. H. müsse nicht genugsam von wahren anfang vnd ur-
sprung gemeldres Kriegs berichtet seyn. Denn es ist der
ganzgen Welt bekant/ das wir wider vnseren willen mit
höchstem hertzenleid durch beleidigung vnnnd list der jenigen
bedrängt sind gewesen/ welche ihre eigene begirden zuuer-
richten/ vnd in diesen Landen mehr dann ein Königliche
Herrschaft zu bestetigen/ vntermschein der Religion durch
vnrichtiges informieren/ nachforschung vnnnd Inquisition
bey Königlicher Mayest. (welcher/ wie auch gleicherweiss
allen hohen vnnnd Gewaltigen Fürsten/ ihrer Mayest. vor-
fahren/ diese Landen allezeit alle trew vnnnd vollkommenen
gehorsam also erzeiget/ als je ein Volck vnter der Sonnen
seinem HERRen bewiesen) wider alle Inwohner des Lands
weß

weß ordens standts vnnnd alters sie weren/ Männer vnnnd
Weiber/ die aller schrecklichste vnnnd grewlichste Verfol-
gung so ihr erhört oder im schwang gangen/ mit vnent-
licher confiscierung der gütter/ durchachtung/ vnnnd aller-
handt Blütiger execution/ durch Feuer/ Schwerdt/ vnnnd
Galgen/ einzuführen fürhatten/ vnnnd dasselb wider aller-
ley fromme/ arme/ vnschuldige Menschen/ welche zu keiner
ordentlichen vnd rechtlichen verantwortung zugelassen/
allein darumb verdampft würden/ das sie S. D. allein durch
vnsern einigen fürsprechen vnnnd Wirtler JESUM CHR. I-
stum nach seinem Wort vnd befelch/ anzuruffen zusamen
kommen weren. Dierauff sind wider alle ansehenlich auff-
gerichte/ von der Frauwen von Parma/ E. H. Mutter/ mit
des ganzgen Raths der Staten bewilligung/ ja auch vnter
Königlichem namen/ ansehen/ macht vnnnd sigel publicirte
handlungen/ verretzt vnnnd befelch die Tyrantische verfol-
gungen bey weylandt Herzogen von Alba/ vnnnd den Spa-
niern nicht allein wider das gemeine Volck/ sonder auch die
fürnehmste regenten/ HERRen/ Freyherren/ vnnnd des Lands
Adel/ welcher ihrer Königlichen Mayest. die fürderlichste
diensten erzeiget/ fürgenommen vnnnd erfolgt/ Daher alle
rechten/ gewonheiten vnd Privilegien/ welche handt zuha-
ben alle dieser Landen HERRen beeydigt werden/ verbroch-
en/ alle Richterstul verkehret/ vnd solchen Leuten/ welche
dartzu vermög alter statuten vnnnd Privilegien allerdings
nicht köndren erwehlet werden/ eingeräumt/ verschiedene
Casteln gebawet vnnnd auffgerichtet/ vnbilliche vnnnd vntreg-
liche schatzungen dem Volck auffgelaget/ vnnnd des ganzgen
Vatterlands freyheit vntertrückt worden/ Welches alles
öffentlich wider alle gerechtigkeit/ recht vnnnd billichkeit ge-
schehen/ vnnnd kein andere frucht/ dann diesen erbarmlichen
Krieg/ welcher vns earnach in ein Sündflus/ alles jam-
mers vnnnd ellendts geführt/ tragen können.

Bitten

Bitterer wegen/ E. H. woll es darfür halten/ daß wir diesen Krieg nicht auß hergen lust vnd Begierde angefangen/ vnd mit namen von weyländt vnserm Herren dem Prinzen von Oranien/ hochlöblicher gedechtnuß/ darzu gebracht vnd beredt. Denner hieher nicht anders dann von wegen des grossen vnd ernstlichen begerens der Statzen/ vnd dasselb nicht allein des Adels vnd der Statt/ sondern auch der Prelaten/ ankommen/ hat auch keinen andern gewalt gebrauch/ vnd angenommen/ denn welcher ihm mit grosser vngestümigkeit ist auffgedrungen. Die Wehr aber anzugreifen hat vns gezwungen die blosser eusserste vnd vnvermeidliche notturfft/ da wir allerdings nichts liebers begeren/ dann daß wir vermittelst eines glücklichen friedens vnd allgemeiner ruwe des Kriegs als bald ein end sehen möchten.

Von wegen diser vrsachen bedancken wir vns demütiglich gegen E. H. daß dieselbe vns die vnterhandlung zum frieden anbeut/ vnd können E. H. großmütigkeit nicht genugsam loben vnd preissen/ welche/ nach dem sie vor allen andern Gubernatoren/ ihren vorfahren/ ihr macht/ vnd dapfferkeit im Krieg bewiesen/ vns auch durch linder vnd billiche mitteln den Krieg wider zulegen angeboten/ welches fürwar fürnehmlich an Fürsten vnd Königen die aller rühmlichste tugend ist. Vnd zwar herten wir vor etlichen Jahren diese gedancken von E. H. schöpfen können/ daß dieselbe vns das jenig/ was sie selbst nach ihrer eigenen Weißheit vnd gutem rath einen guten vnd sicheren frieden zubestertigen für notturfftig erkennen/ zuuergünnen vollnechtig gewest were/ so herten wir nimmer mehr so lang gewarret vns vnter ihre sügel/ zu vnterwerffen/ fürnehmlich herten wir vns in kein ander gesprech vnd bedingung eingelassen/ dann welche E. H. selbst durch ihr fürsicht/ gütigkeit vnd lindigkeit für billich erkandt hette. Denn wie herten aller dings nicht ge-

zweiffelt

zweiffelt/ dieselbe würde selbst gefolgt vnd dem König gemacht haben den Fußstapffen vnd löblichen exempeln anderer grossen Königen vnd Fürsten ihrer Matest. vorfahren nachzusetzen/ welche in gleicher sachen der wurzel des bösen tieffer nachgegründt vnd befunden/ daß man von derselben nicht widerumb zum genesen kommen/ noch die vnterthanen in ein sicheren frieden vnd bestendiger ruwe/ mit sampt ihrer getrewer pflichtleistung vnd vnterthenigkeit gegen ihre Obrigkeit handhaben köndte/ es were dann sach/ daß man ihnen ihrer Religion/ mit welcher sie zufrieden/ welcher sie auch zu aller zeit bey vnuerdchtigen vnd vnpartheyllichen Richtern in allen freyen vnd rechtmessigen versamlungen vnd concilien red vnd antwort zugeben vrbietig weren/ freye vbung gestattet. Dieselbe haben in der that befunden dieses seye das höchste vnd beste mittel vnd rath/ wider solches vnheil/ daß sie nemlich ihrer vnterthanen billiches vnd rechtmässiges ansuchen gutwillig verwilligten/ welches genug erscheinet auß den exempeln der Weyländt Vnberwindlichen vnd Großmächtigen Keyseren/ Caroli V. Ferdinandi, vnd Maximiliani löblicher gedechtnuß/ in Teutschland/ auch der Christlichen Königen in Franckreich vnd Polen bey ihren vnterthanen.

Nachdem wir aber durch manichfaltige zeugnuß/ mit namen vielerley von E. H. geschehene erklärung gewislich berichtet/ daß von dieser sachen etwas zuschliessen in Ihrer macht aller dings nicht gelegen were/ welches gleichwol der einige grundt vnd der kern ist vmb welchen Krieg vnd Fried bestehet/ Ja/ daß noch mehr ist/ auch der König selbst sich der Spanischen Inquisition vnd des Römischen Bapsts decreten also vnterworfen/ befindet/ daß er nicht vermag seinen vnterthanen/ die Christen sind/ das jenige zuuergünnen/ daß der Bapst vnd etliche Fürsten in Italien den Juden vnd Türcken gern zulassen/ ohn welches gleichwol genzlich vnmöglich ist/ dises langwirige Ellendt von

dem Volck abzuwenden/ So hat vns in betrachtung/ daß keine hoffnung were/ jemal etwas zuerlangen/ welches aber allein vns ein sichere gewünschte ruwe zubringen köndte/ eben dieselbe notturfft/ die vns den Krieg anzunehmen gezwungen/ auch demselben/ damit wir vns wider eine so vnbilliche vnterdrückung beschirmten/ zu folgen fortgetrieben. Endlich sind wir nach vielen vnd vnzehlichen demütigen suppliciren/ bitten/ erklaren/ vnd protestirn/ welches zum theil schriftlich/ zum theil durch Gesandten in Spanien abgefertigt geschehen/ vnd nemlich nach vieler Christlicher Königen vnd Fürsten innerhalb zwengig vnd mehren Jahren/ aber allerdings vergebens vnd vmbsonst/ verlossenen vnterredungen vnd fürbitten/ dahin genötigt worden/ daß wir vnserer zusuche bey frembden Fürsten suchen müssen. Da wir nun die grosse vntröfliche weißheit/ gerechtigkeit/ vnmoderation der aller Christlichsten Königen in Franckreich/ mit welcher sie Ihre vnterthanen beider Religion in fried vnd ruwe erhalten/ gegenwertig angesehen/ Vns aber zum eussersten genotrang vnd gezwungen befunden/ Können wir E. D. nicht bergen/ daß sich alle vereinigte vnd bundrpflichtige Prouincien mit vns nach allgemeinem vnd eintrechtigem schluß/ allbereit an Seine vorgemelte Maiest. in Franckreich verfügt/ vnd dieselbe demütiglich gebetten/ daß sie vnserer sach andie handt nemen/ vns als Ihre vnterthanen in ihren schutz vnd schirm auffnemern vnd vns wider solche eusserste strengigkeit vnd vnmenschlichkeit beschirmen wollen. Hierauff hat vns Ihre Maiest. solch genedig gehör vergünt/ vnd so gute vererößung gegeben/ daß es vermög des bundts damit Ihrer Maiest. wir ansehnlich vnd in gemein verbunden sind/ in vnser macht nicht mehr stehen/ einige vnterhandlung einzugehen/ welche/ wie gering sie auch were/ vnserem anbieten vnd verheissen einiger weiß verhinderlich sein vnd präiudiciren

diciren könte/ wir wolten daß rechtmessig von der gangen Welt als die allerleichtfertigste vnd vnd andckbarste/ so die Erd eragen mag/ verachtet vnd außgeschrieen werden.

Zum andern aber/ die weil wir allein ein Glied der General Staten/ vnd mit ein ansehnlichen vnd besondern eyd mit niemand vns in ein friedshandlung ohn allgemeine verwilligung vnd gut düncken anderer vereinigten Landen einzulassen verpflicht sind/ stehen vns nicht frey/ wenn wir schon lust darzu hetten/ E. D. erbieten/ vnerslange Ihrer aller sampt gemelter Königlicher Maiest. in Franckreich bewilligung/ anzunehmen. Vnd darumb bitten wir E. D. auff demütigste dieselbe wolleshrer lindigkeit vnd Väterlicher güte/ welche sie vns anbeut/ also nachfolgen/ vnd ihr gefallen lassen/ das wir/ ehe wir zu einiger handlung schreyen/ E. D. schreiben gemeldten vereinigten Prouincien nach außweissung vnserer verbunds/ vnd mit dero bewilligung vnd Rath/ auch vorgemelter Königlicher Maye. in Franckreich vbersenden/ vnd also/ die weil es Ihrer Maiest. gefallen vns nach vernemung vnserer demütigen klagen/ welche anderswo also vnwürdiglich verworffen sind/ so höchlich zuuerhören/ ohne Ihrer Maiest. zulassung nichts anfangen/ damit ihrer Maiest. wir nicht billiche vrsach vns als Betrieger/ Leichtfertige vnd Vndanckbare Menschen zu schenden vnd außzuschreyen andie handt geben.

Betreffend die Protestation/ welche E. D. gefallen am ende Ihres Schreibens zu thun/ wollen wir wol glauben/ daß dieselbe des vnschuldigen Blutvergiessens vnd anderes folgendē vnglücks kein vrsach sey/ die weil dieser Krieg anderstwoher seinen anfang bekommen/ gleichwol bitten wir auch E. D. demütiglich/ dieselbe wolle beherrigen/ daß wir auff vnserer seiten dessen auch keinerley weiß beschuldigt werden könen/ die weil wir keinen andern Krieg dann zu vnserer beschirmung führen/ vnd nach keinem

andernding trachten / dann daß wir vns mit Weib vnnnd
Kindern bey leben erhalten / vnnnd mit freyem gewissen den
namen Gottes durch vnsern einigen Seligmacher vñ Mit-
ler IESUM Christum anruffen mögen / vnnnd wir derhal-
ben auff vnserer seiten alles Blutergiessens gern ein ende
machen wolten / wenn allein E. D. gleichfals dieselbe gütte
vnnnd freundlichkeit / welche sie vns mit Ihrem schreiben
verheissen wöllen / mit der that erzeigen wolte / vnd gleicher-
weiß auff Ihrer seiten das Blutergiessen einsetzte / damit
wir durch erweisung des anfangs von des vbrigen vnd auß-
stehenden sicherheit vrtheilen möchten. Zum beschluß bit-
ten wir E. D. dieselbe wölle vns dieses zuuertrawen / daß
wir Ihre tugenden liebhaben vnnnd hochachten / vnnnd dero
vñ gangem hertzen sehr demütige dienst in allem dem züer-
zeigen begeren / das vns vnser Ehr / Eydt vnnnd Gewissen /
welche allein rein zubewahren wir Gott bitten / einigerley
weiß zulassen möchte. Hiemit E. D. hände demütiglich
füßende / bitten wir GOT den allmechtigen / daß er E. D.
verleyhe was dero am seligsten ist. Datum Antorff den 27.
Nouemb. Anno 1584.

E. Hochheit,

Sehr dienstwillige

Bürgermeister / Scheffen /
Tresorier / Rentmeister vnd
Rath der Statt Antorff.

Auß deren befelch hat vnterscrieben

B. Berlecom,

Die vberschrieffte war
An seine hochheit.